

**Sagɪ tə, Polə nə púpúní ʋ pa  
Kolosə  
Kərisə lià tə nə  
Kolosə tián sagɪ tə yuu wa  
sugʋ**

*Lìù tə, ʋ nə púpúní sagɪ kv tə*

Kv yɪ \*tɔntɔnʋ Polə nə púpúní kv. Máná tə, ʋ nə púpúní sagɪ kv tə, də ʋ yɪ ʋ wulə bán diè Romə nə.

*Lìà tə nə, Polə nə púpúní*

Polə púpúní sagɪ kv tə, ʋ pa \*Kərisə lià tə nə, ba nə wulə Kolosə nə.

*Sagɪ tə wa sugʋ*

Nəjə kv tə yɪrɪ Polə nə púpúní ba nə: Lìà duən kàrì kunkun kàrì, ba ma gɪgarɪ \*Kərisə lià tə Kolosə nə. Ba pià, sə Kərisə lià tə pií ba twá ba nɪbara-ba yofwamɪnan tə nə. Polə pià ʋ birɪ də, Kərisə tə, ʋ nə wulə mu wa, nə dwə won mama. ʋ mù cɪcɪ nə jə nii, ʋ ga jə diàn lʋ diàn mama yuu wa.

Kərisə lià púlí tə yɪ ndə ʋ yɪra nə, ʋ tətə ga yɪ yɪra təntə yuu. Kərisə lià tə nə kən ba waa Kərisə nə yɪrɪ, ba mù də Kərisə tə, ʋ nə tɪga, ʋ pií ʋ bwin, tə dān vwə duən nə. Ba yàá lə ba níá wa, kv twá də Yɪ yɪrɪ, ba ma birɪ kv yoo təntə. Mə kv twá yoo kv tə nə Kərisə lià tə ma birɪ kv. Kv nətu dān pin ba jì ləzwəndura.

*Polə jònì Kərisə lià tə Kolosə nə*

<sup>1</sup> À mù Polə yì Yü nə kúrí nə, də v tətə fira, sə à ya Zwezi-*\*Kərisə \*tuntunv*. À mù də Timote, v nə yì nə nubiu Kərisə yiri, nə púpóní sagi kv tə. <sup>2</sup> Nə pín kv Kərisə lià púlí tə nə, kv nə wulə Kolosə nə. Á mù nə yì nə nubia á nə yì Kərisə nə tí, á nə keni á waa Zwezi-Kərisə nə wuuu də pùé nədv. Nə nyina Yü nə wá fwa pubwanv á yira, v ga pa aba bican sió.

*Polə ken Yü lèèè Kolosə tián yiri*

*(Efəzə tián 1.15-19; Filipə tián 1.3-6; 1 Tesalonikə tián 1.2-4; 3.5-11)*

<sup>3</sup> Mánjá mama, nə jònì Yü, v nə yì nə *\*Yuu-Tiu Zwezi-*\*Kərisə nyina, nə pín aba. Nə nə wulə nə jònì Yü nə pín aba, nə yàá kə v lèèè á yiri.** <sup>4</sup> Nə nì, nətə tə á nə keni á waa Zwezi-Kərisə nə wuuu, yá á ga tə swə lià tə mama, ba nə yì Kərisə nə tí. <sup>5</sup> Mánjá tə, Zwezi-Kərisə suywánjú tə, kv nə yì cígá sugv tə, nə twi á con, kv pín á jə yala Yü con. Yala təntə yì won tə, Yü nə tant, sə v pa aba v sán nə. <sup>6</sup> Kv suywánjú təntə vèli kv yí luv tə mama wa, kv ga tə pùlì kv sùrí wuuu. Mə nətə nə, kv tɔŋa á də con, kv nə zɔɣi dɔɣn tə nə, á nə nì Yü pubwanv tə yoo, á ga lwarì, Yü pubwanv tə nə yì cígá cígá nətə. <sup>7</sup> Kv yì Epafərasə nə kàrì kv suywánjú təntə, v biri aba. U yì nə nubiswənə. Nə mù də v mù mə nə tɔŋa Yuu-Tiu Zwezi-Kərisə tɔtɔŋi tə duən nə. U tɔŋa v pín Zwezi-Kərisə nə də pùé nədv, á mù yuu

yiri. <sup>8</sup> Yá v mù dàń nè swìn, v pa nè yèni nètu, Yü-\*Siñu tē nè pɪn á swē duən.

*(Filipə tián 1.9-11; Zwan 1.1-3, 14, 16)*

<sup>9</sup> Kɔ mù nè pɪn, kɔ nè zɪgɪ dɪn tē, nè nè nì kɔ nètu tē, nè yáá jònì Yü nè pɪn aba máńá mama. Yá nè dàń lòrì Yü, sē v pa á yèni kɔ tē nè yɪ v fira, tē zèni zèni, sē v ga pa á na wɔbɔŋa mama, də yənu mama, kɔ nè yɪ v \*Siñu tē nè pɪn. <sup>10</sup> Kɔ nètu wá pa, á wàní á twá kɔ tē nè \*Yuu-Tiu nè pìà, á ga tɔŋa kɔ tē nè poli v pùé nè. Á dàń wá tɔn tɔtɔnzəŋə yiri mama, á ga wá lwarɪ Yü wuuu, á súrí lá. <sup>11</sup> Nē tē lòrì Yü, sē v twá v dɪàn tē nè bɪrɪ v dɪn tē nè, v pa aba dɪàn. Yá á dàń wá wàní á na pínú wuuu, á dānà ká pìí á kē á kwa. <sup>12</sup> Á kənə nè nyɪna Yü lèèè də pupwən. U pɪn á jì là tē, á də nè wáá tori á nɪ v con, v nè tún, sē v pa là tē nè, ba nè yɪ v mù nè tɪ, bwálí tē nè, kɔ nè wulə poni wa. <sup>13</sup> U mù nè van nèba v lɪ, sē yikunu yìèn dān ká dé dɪàn nè yuu wa. U dàń ken nèba v biú Zwezi-Kərisə, v nè swē, pàrì tē wa. <sup>14</sup> Mē v biú təntə nè kwɛn nè cɔna tē v lɪ nè mù də Yü pwərə wa. Yá v mù ga nè yè nèba v jon, sē nè tɪnɪ nè tiàn.

*Zwezi-Kərisə yɪ won mama Yuu-Tiu  
(Efɛzə tián 2.13-19)*

<sup>15</sup> Zwezi-\*Kərisə yɪ Yü tē, là nè wàrì ba nɪ ba yíá wa, nyinyɪga. U mù nè yɪ Yü biú. U yɪn lá də won mama tē wà fwa. <sup>16</sup> Yá Yü yɪ v twá də v mù, v ma fwa wiən tē mama, tē nè wulə lanworu wa də tɪa yuu wa. Tē wiən təntə nè yɪ wiən tē, là nè na də ba yíá, də tē tē, ba nè ba na də yíá. U

fwa \*malike də tē yun tián, də pèégá tē mama, diàn tē, də wiən tē nə jə diàn, də wiən tē nə dé pàrì. Tē wiən tēntē mama yì Yü twá də v biú tē, v ma fwa tē. Yá tē ga yì Yü fwa, v pa Zwezi nə. <sup>17</sup> Zwezi-Kərisə yà wulə, də won mama tē təló. Yá wiən tē mama dān yì, v m̀ nə pɪn, tē wulə tē bwálí nə. <sup>18</sup> Kərisə lià púlí tē yì ndə v m̀ Kərisə yɪra nə, v tətə dān ga yì yɪra tēntē yuu. U m̀ nə yì tēntən liù, v nə nan, v m̀ ga nə dí yáá, v bwìn v zàn tian wa. Kù dān bɪrɪ də, v wulə wiən tē mama yuu wa. <sup>19</sup> Kù yì Yü tətə fira, sə v biú tē ya kù tē mama míámíán, v m̀ Yü nə yì. <sup>20</sup> U m̀ Yü nə kù swə, sə v twá v biú tē nə, v pa v də won mama pìi ba kə duən yuu. U twá də v biú tē jana, tē nə nan v tian tē máŋá wa dagarv tē yuu wa, v ma kə bɪcan sié v m̀, də tia yuu wiən tē, də lanworu wiən tē mama pwərə wa.

<sup>21</sup> Á də con dí yáá nə, á yà ŋúná də Yü. Yá á yà yì Yü dɔŋa, á nə bɔŋa yokɔkwɪnan, á ga tɔŋa tē yokɔkwɪnan tēntē yɪrɪ. <sup>22</sup> Yá síún nə, Yü dān pɪn, á m̀ də v m̀ pìi á kə duən yuu, v biú tē nə jigə ləzwənə v ga tɪ tē yɪrɪ. Yü fwa nətɔ, sə v pa á wàní á bà, á zɪgɪ v yáá con, ndə lià tē nə, cɔna mama nə təló á yuu wa, yokɔkwɪnan dān ká ya á yɪra Yü yáá con, liù mama nə wàrɪ yolwan v swìn á yuu wa. <sup>23</sup> Á dān nə mɛ, sə á kə á waa Zwezi-Kərisə nə wuuu, á dānà ká yá. Á zɪga də diàn kù wa. Á dānà ká pìi á lwàn pubɔŋa də yala tē, á nə jə də Zwezi-Kərisə sɔywánjù tēntē, ba nə swìn ba bɪrɪ aba. Yá ba swìn kù ba bɪrɪ tia yuu ləzoni tē mama. Mə kù sɔywánjù tēntē ka swìn

ka biri nè yì à mù Polè dè tütöñi.

*Nətv Polè nè tɔŋa Kərisə lià púlí tə yiri  
(Efəzə tián 3.1-13; 1 Korəntə tián 2.7-13)*

<sup>24</sup> À mù Polè jə pupwən dè càn tə, à nè dé á mù yiri, máŋá ku tə wa. À wulə à dé càn tə, tə nè ga, sə nè dé Zwezi-\*Kərisə tütöñi tə yiri, sə ku san v púlí tə nè, ku nè yì ndə v yira nè. <sup>25</sup> À jigə Kərisə lià púlí tə tütònù, sə à tun tütöñi tə, Yü nè pɪn nè. Tütöñi təntə nè yì, sə à swìn v sugv tə mama à biri aba. <sup>26</sup> Sugv təntə yì cígá tə, ka nè sègè lià tə mama yáá nè, ku máŋá nè ba yigə. Yá síún nè, v dàñ biri ku lià tə nè, ba nè yì Kərisə nè ti. <sup>27</sup> U fwa nətv, v yà nè pià v biri lià təntə nè də, yosəgu təntə, v nè pià, sə v fwa yì yoo nəfarv. Yá v ga wá san dwíé tə duən tə mama nè, ba nè tà \*Zwifə-ba. Cígá təntə, ka nè sègè nè yì Zwezi-Kərisə yoo wulə á bɪcɪnɪ wa. Yá á dàñ twá də v mù, á jə yala də, á wá na tori Yü dun tə wa. <sup>28</sup> Mə v mù Zwezi-Kərisə yoo nè, nè swìn nè biri lià tə nè. Nə yáá kwè liù mama, nè ga kàrì wá də wɔbɔŋa tə mama, Yü nè pɪn nèba. Nə pià, sə lià tə mama twá Zwezi-Kərisə nè, ba ya lià tə, Yü yìèn tə bɪga ba yun wa. <sup>29</sup> Ku mù nè pɪn, à dàñ ma kəni diàn zənzən à tɔŋa. Yá ku yì Zwezi-Kərisə diàn nəfarv tə, v nè pɪn nè, dàñ nè pɪn, à jə diàn, à ma tɔŋa nətv.

## 2

<sup>1</sup> Ku yì cígá, à pià, sə á lwarì, à nè tun zənzən nətv, à pa á mù Kolosə Kərisə lià tə nè, də ba tə nè, ba nè wulə Lawodise nè, də lià duən zənzən

nə, ba tə nə wà nə nı ba yía wa. <sup>2</sup> À fwa nətɔ, sə à ma zùrì Kərisə là tə mama bɛanɪ, sə ba vwa duən nə, ba ga sóní duən. À pìà, sə á na yənu tə mama míámíán. Kɔ nətɔ dān wá pa á lwarɪ Yɪ cígá tə, ka nə sègè. Cígá təntə, ka nə sègè, nə yɪ Zwezi-Kərisə yoo tə. <sup>3</sup> Wɔbɔŋa də yənu yɪ wiən, tə nə ziən zənzən, tə ga yɪ yosəgu Zwezi-Kərisə bɪrɪ nəba. <sup>4</sup> À swìn yìèn tə tə á con, sə liù mama dān ká wàní ɔ twá swian sùràn nə, ɔ ma gɪgarɪ aba ɔ dɔgɔ. <sup>5</sup> À mù nə swə à ŋúná də aba, à pubɔŋa tə wulə də aba. À fwa pupwən də, á nə tɔŋa yoo mama, ndə kɔ nə mɛ, sə kɔ tɔn nətɔ, á ga kəni á waa Zwezi-Kərisə nə wuuu, á ba á kwa kəni.

*Zwezi-Kərisə yɪ nə wɔbɔŋa cígá cígá  
(Efezə tián 2.1-10; 3.14-19; 1 Tesalonikə tián 4.1-2; 1 Timote 6.20-21; Romə tián 6.3-11)*

<sup>6</sup> Á sèe, sə Zwezi-\*Kərisə ya á \*Yuu-Tiu. Kɔ mù tə yɪrɪ, kɔ dān mɛ, sə á ya də wá. <sup>7</sup> Á dān yana də wá, ndə tìú ŋɔnan nə zɔa tia dèñ nətɔ. Á zɪga dīàn, á ma kə á waa ɔ nə wuuu, ndə ba nə kàrì aba nətɔ. Á kənə Yɪ lèèè zənzən mánjá mama. <sup>8</sup> Á cia á tìàn nə, á dānà ká pa liù gɪgarɪ aba, ɔ dɔgɔ də yía swian sùràn, tə nə ba dèñ jə. Swian sùràn təntə yɪ tə nan ləzoni yofwamɪnan wa, də lɔɔ wiən, tə nə jə dīàn nə yuu wa, kɔ tà Zwezi-Kərisə con tə nan. <sup>9</sup> Kɔ tə mama míámíán Yɪ nə yɪ, mə kɔ mù nə Zwezi-Kərisə də yɪ. <sup>10</sup> Yá á mù də Zwezi-Kərisə dān nə vwə duən nə tə pɪn, á də jə wiən tə mama míámíán, tə nə wulə ɔ con.

U mù nè wulə wiən tə mama yuu wa, tə nè dé pàrì ləzoni yuu wa.

<sup>11</sup> Á də Zwezi-Kərisə nè vwə duən nè tə pɪn, v lɪ á yokukwɪnan tə mama, sə tə kúv dān ká ja diàn á yuu wa. U nè kwɛn aba nɛtv tə, yɪ ndə bara \*goŋu nè. Yá kv dān nè tà ndə ləzoni nè gwəŋə nɛtv, kv yɪ Zwezi-Kərisə tɪan tə yɪrɪ. <sup>12</sup> Ba nè ləgə aba níá tə wa, kv bɪrɪ də, ba gùrì aba, ndə Zwezi-Kərisə nè tɪga ba ga gùrì wá. Yá kv tə kúv bɪrɪ də, á pɪí á twá v nè á bwin á nan tɪan wa. Kv pɪà kv swɪn də, á pɪn cígá də, Yɪ nè bwin Zwezi-Kərisə v lɪ tɪan wa, yá v jə diàn, sə v bwin á də. <sup>13</sup> Fuən nè, á mù yà yɪ ndə tɪga nè, á cuna tə yɪrɪ. Kv súrì á nè tà Yɪ là tə yɪrɪ. Yá sív nɛ, Yɪ pɪí v bwin á mù də Zwezi-Kərisə, v ga fwa pubwanv nè yɪra. U kwɛn nè cuna tə mama, v lɪ nè mù də wá pwərə wa. <sup>14</sup> Ba paa Zwezi-Kərisə dagarv tə yuu wa. Kv mù nè pɪn, sagɪ tə, kv nè bɪrɪ də, nè yɪ cuna là, tə cùgù. Yɪ dān bɪrɪ də, sagɪ tɛntə kúv ba dən jə. Kv yɪ ndə ba paa kv də Zwezi-Kərisə dagarv tə yuu wa. Yá sív nɛ, nè cuna tə mama dān zwè. <sup>15</sup> Zwezi-Kərisə mù dí diàn wiən tə mama yuu wa, tə yà nè jə diàn ləzoni yuu wa, də wiən tə nè dé pàrì, v ga cùgù tə diàn mama. U ken cavɪra tə nè luv mama yáá con, ndə ba nè ta kùv ba dé, ba vanja ywəŋə.

*(Romə tián 14.1-6, 17; Galasi tián 4.9-11; 1 Timote 4.1-8)*

<sup>16</sup> Kv mù tə yɪrɪ, á dānà ká sèe á pa liù cəgə aba, kv tə yɪrɪ, á nè dé, nè à yèó kv tə yɪrɪ, á nè nywɪn. Á dānà ká pa liù lɪ diən v tún v pa

aba, sə tɛ ya á cànì á dé, nə à yèé, sə tɛ ya á sié djan. <sup>17</sup> Yìèn tɛntɛ kúù ba dɛ́n jə. Tɛ yɪ ndə yiywara nə, kɜ yà nə bɪrɪ cígá tɛ, ka nə bìàn. Zwezi-Kərisə tətə nə yɪ cígá tɛntə. <sup>18</sup> Á dənà ká pa lià tútùnì də aba kɜ tɛ, á nə mɛ, sə á fwa tɛ yuu wa. Ba mù lià tɛntə yàá kəni càn ba tiàn nə. Ba pɪn dun \*malɪkɛ nə, ba ga fwa ndə ba cuə ba tiàn tɪa, kɜ ga yɪ kunkun. Ba yàá swìn də, Yɪ bɪrɪ ba yoo kɜ tɛ, kɜ ga yɪ kunkun. Tɛ sùràn tɛntə yɪ fwiə sùràn, tɛ nə yɪ yənu, kɜ nə yɪ tutu. Ba pubɔŋa tɛ yɪ ləzwənə pubɔŋa. <sup>19</sup> Ba mù lià tɛntə də Zwezi-Kərisə kúù wà duən nə vwe. U mù nə yɪ nə Yuu-Tiu, yá nə mù də ɜ mù nə vwə duən nə, ndə yuu də yɪra nə vwə duən nə nɛtu. Zwezi-Kərisə pɪn nə vwa duən nə, nə tɔŋa, ndə nandaran yirə yirə nə vwə duən nə, kɜ nɛdu mama ga jə kɜ tutɔŋɪ. Yá yuu tɛ nə pɪn diàn tɛ mama nə, tɛ ga tɔŋa tutɔŋɪ nɛdu. U mù nə saŋa nəba, ɜ pɪn nə vəli yáá wuuu Yɪ cwəŋə tɛ wa.

<sup>20</sup> Á yèé də, á twá Zwezi-Kərisə nə, á tɪ. Kɜ mù tɛ yɪrɪ, lɜw wiən, tɛ nə jə diàn, kúù ba diàn jə á yuu wa. Bèèèe dən nə pɪn, á tɛ ma fwa, ndə á yɪ lɜw nə tɪ aba? Bèèèe nə pɪn á sèe culən tɛ, ba nə bɪrɪ aba, ba wú: <sup>21</sup> «Á dənà ká tì kɜ tɛ, á dənà ká dé kɜ tɛ, á dənà ká dwen kɜ tɛ yɪra!» <sup>22</sup> Culən tɛntə yɪ tɛ wulə wiən tɛ, ba nə ma tɔŋa, tɛ ga cùgà yɪrɪ. Tɛ yɪ ləzoni cɪcɪ pubɔŋa, ba ma kàrì aba. <sup>23</sup> Wiən tɛntə yɪ ndə wɔbɔŋa wiən nə, ba tətə nə zilì tɛ ba pubɔŋa wa. Ba tətə dən cwi ba tiàn tɪa, ba ga kəni ba tiàn càn wa. Culən tɛntə yɪ ndə tɛ jə dɛ́n, yá tɛ ga yɪ tutu. Tɛ wàrì tɛ

saŋa, sə lià tē lɪ ba tiàn ba pùé yokokwɪnan fɪra tē wa.

### 3

*Zwezi-Kərisə pɪn aba mu nədɒn*  
(*Filipə tián 3.18-21; 1 Zwan 3.1-3; Efezə tián 5.3-8; 4.17-31*)

<sup>1</sup> Yɪ nē pɪn, á mù dē Zwezi-\*Kərisə pií á bwin á nan tɪan wa dē duən. Kɪ mù tē yɪrɪ, á pɪan Yɪ sán wiən tē fɪra ja aba. Mē Zwezi-Kərisə jèé lá nē, Yɪ jɪzən\* vàn nē. <sup>2</sup> Á pɪan á pubɒŋa tē ya wiən tē yuu wa, tē nē wulə Yɪ \*sán nē, ka dàn ká ya lɒ wiən yuu wa. <sup>3</sup> Á tɪga dē Zwezi-Kərisə. Yá Yɪ dàn twá dē Zwezi-Kərisə, ɒ ma pa aba mu nədɒn tē. Yá mu nədɒn tēntē yɪ kɪ sègè Yɪ con. <sup>4</sup> Zwezi-Kərisə nē yɪ á mu cígá cígá. Dɪn don nē, ɒ wá pií ɒ ba ɒ nan nē yíá yuu dē ɒ dun tē. Kɪ máŋá tē wa, á dē wá twá dē wá á na dun.

<sup>5</sup> Kɪ mù nē pɪn, á dàn mē, sə á lɪ yokokwɪnan tē á bɪcan wa, tē nē yɪ lɒ wiən, á pa tē nyu lá. Tē mù nē yɪ ka pèñ duən vɛɛ vɛɛ, nē à yèé ka tɒn durən yìèn, nē à yèé ka cwàrì, nē à yèé ka pià pùé fɪra yokokwɪnan, nē à yèé ka pa lià duən wiən jē yimən tē pa aba. Á nē pɪn lià duən wiən jē yimən tē pa aba, kɪ bɪrɪ dē, á pɪn dun tē wiən tēntē nē ndē woŋwanan nē, á ga dɒgɒ Yɪ vàn nē. <sup>6</sup> Mē yokokwɪnan tēntē yɪrɪ nē, Yɪ lɒŋa wá zàn lià tē yuu wa, ba nē vɪ, sə ba zilí ɒ nii tē. <sup>7</sup> Fuən tē nē, á dē yà tɒŋa yìèn tēntē.

\* **3:1** 3.1 Ka jèñ piú jɪzən vàn nē yɪ dun bwálí.

<sup>8</sup> Síún nə, á də dàń dɔga yìèn təntə mama. Tə mù nə yɪ lɪɲa, də dɔŋɪ, də wɔlɔŋɔ, də tɪjaŋa sùràn, də sɔfaran, tə nə naŋa á nii wa. <sup>9</sup> Á dàná ká kɔnɪ kɔnkɔn á kə duən nii nə. Á yɪ lià tə, á nə nan á yá á yɔa nədwan tə, də kɔ tɔtɔnɛɛ mama. <sup>10</sup> Yá síún nə, á dàń zɔa yɔa nədɔn wa. Yɪ nə pɪn aba yɔa nədɔn təntə. Ʋ mù nə kwen kɔ máŋá mama, sə kɔ ya ndə ɔ tətə mi tə nə, sə kɔ pa, á wàní á lwarɪ, ɔ nə yɪ nətɔ zəni zəni. <sup>11</sup> Kɔ mù tə yɪɪ, pɔɪa kúú təlɛ lià tə, ba nə nɪ Yɪ mi nədɔn tə, pɔwərə wa. \*Zwifə-ba də \*Gərekə-ba dàń jigə nədɔ. Lià tə, ba nə \*goŋɪ bara, də ba tə nə ba bara goŋɪ də jigə nədɔ. Vərə tə, də lià tə, ba yíá nə wà pɔɪɪ, də ywəŋə tə, də lià tə, ba nə tɪ ba tiàn tə mama dàń yɪ nədɔ. Zwezi-Kərisə cɪcɪ dàń nə wulə ba mama yuu wa, ɔ ga tɔŋa ba liù mama bɪcan wa.

<sup>12</sup> Yɪ kúrí aba, ɔ pià, sə á ya Kərisə nə tɪ, ɔ ga swə aba. Kɔ mù tə yɪɪ, á piàn á ja bɪcabwanɔ, sə á ya wɔyɔwɔnyɪna, sə á cú á tiàn tiɪ, sə á ya bwàbwà, sə á ja pínú də. <sup>13</sup> Kɔ dèń nə yɪ á pɪna yìèn tə, tə nə tɔŋa á pɔwərə wa. Á liù tə, ɔ nə jə yoo də ɔ don, sə á kwen kɔ, sə kɔ zwèe, ndə Zwezi-Kərisə nə kwen á cɔna tə, ɔ pa tə zwèe nətɔ. <sup>14</sup> Kɔ tə nə dwə tə mama nə yɪ, sə á sóní duən, sə kɔ pa á vwa duən nə, sə á yoo mama ga ya zəni. <sup>15</sup> Bɪcan sié tə Zwezi-Kərisə nə pɪn aba, wá tɪnɪ á pɔbɔŋa mama. Yɪ kúrí aba, sə á ya won nədɔ, sə á ja bɪcan sié təntə. Á dàń kənə Yɪ lèèè máŋá mama.

<sup>16</sup> Zwezi-Kərisə sɔgɔ tə də kɔ yozəŋə tə mama

wá ya á pubuŋa wa. Á kàrà duən, sə á kwè duən də wubuŋa tə mama, á nə jə. Á kənə Yu lèèèe də á waa mama, ɔ pubwanɔ tə yiri. Á nuŋə gwaran, də nuŋi, tə nə bwɪ Yu nə, də nuŋi tə mama, Yu-\*Siŋu tə nə biri aba. <sup>17</sup> Won tə mama, á nə fwa, ku nə yi á nii sùràn, nə à yèé á tutunən wa, á fwa ku \*Yuu-Tiu Zwezi yiri. Á kənə nə nyina Yu lèèèe, ku twá də nə Yuu-Tiu Zwezi.

*Kərisə lià púlí nə mə, sə ku ya nətv*

*(Efɛzə tián 5.22-33; 6.1-9; 1 Piyerə 3.1-7; 2.18-25; Titə 2.9-10; 1 Timote 6.1-2)*

<sup>18</sup> Á mù kana tə, á liù mama mə, sə ɔ sèe ɔ barɪ nii, ndə ɔ nə sèe \*Yuu-Tiu nii nətv. <sup>19</sup> Á mù bara tə də, á swénə á kana tə, á dànà ká tɔn yanyɔna də ba.

<sup>20</sup> Á mù bìsíná-ba, á zílé á ninə də á nyina nii yoo mama wa. Mə ku mù nə poli nə Yuu-Tiu pùé nə. <sup>21</sup> Á mù bia nyina-ba də, á dànà ká fwa, á pa á bia tə lɪŋa zàn, sə ku gwàrì ba jìàn. <sup>22</sup> Á mù ywəŋə tə, á sía lià tə, ba nə yè aba tə nii, yoo mama wa, lɔv ku tə wa. Á dànà ká zílí ba nii ba yía wa cɪcɪ, sə ku dàn ká ya ndə á pìà, sə ba bu á nə. Á tɔŋa ba tutunən tə də á bɪcən mama, á nə zílí Yuu-Tiu tə yiri. <sup>23</sup> Tɔtɔŋi tə mama á dàn nə tɔŋa, á tɔŋa ku də á bɪcən mama. Á tɔŋa ndə ku yi á tɔŋa á pɪn Yuu-Tiu nə, ku tà lià nə, á tɔŋa á pɪn. <sup>24</sup> Á yèé də, ku yi Yuu-Tiu nə wá ŋwín aba. Á wá na á tori ɔ cən. Zwezi-\*Kərisə nə yi Yuu-Tiu, yá ku ga yi ɔ mù nə, á tɔŋa á pɪn. <sup>25</sup> Liù tə, ɔ nə tɔŋa lwanɪ, Yuu-Tiu Zwezi-Kərisə wá ŋwín

υ lwantu tē ηwirán υ pa wá. Yá liù mama bá doni n don dē.

## 4

<sup>1</sup> Á mù lià tē, á nē yè ywəŋə tē, á jana ba dē cígá, ndə kv nē me nət. Á lie á tìàn dē, á dē jē Yuu-Tiu υ nē wulə Yu \*sàñ nē.

*Sagi tē yígúró sùràn*  
(Efezə tián 6.18-20; 5.14-17)

<sup>2</sup> Á nē jùnì Yu, sē á ja pínú wuuu, á dànà ká pìí á kə á kwa. Á kənə Yu lèèè dē yawala máŋá mama. <sup>3</sup> Á jùná Yu á pa nēba, sē υ pa nē na cwəŋə, nē ma swìn υ sugv tē, sē nē biri Zwezi-Kərisə cígá tē, ka nē sègè, lià nē. Mə kv mù yiri nē, ba vwa nē dē banzala. <sup>4</sup> Á tē jùná Yu á pa nē, sē à wàní à swìn υ sugv tē à biri nēpon nēpon, ndə kv nē me, sē à swìn nət.

<sup>5</sup> Á pian á ja wubunə lià tē, ba nē wà ba waa ken Zwezi-Kərisə nē, yáá con. Yu nē pin aba máŋá nēzəŋu mama, sē á tì kv á ma tun kv tē nē me, sē á tun. <sup>6</sup> Á pian á nii sùràn ya ywání, tē ga ja fira máŋá mama. Ba nē bwe aba, sē á yēni á nē me, sē á le nət.

*(Efezə tián 6.21-22; Filemon 22-25)*

<sup>7</sup> Á pià, sē à tun Tiswikə, υ nē yi nē nubiswənə, á con. U yi liù tē, υ nē tunə Zwezi-Kərisə tutunə tē dē, dē pùé nəd. À dē υ mù me nē tunə \*Yuu-Tiu tutunə tē duən nē. Máŋá tē, υ nē wá bà á con, υ wá biri aba won tē mama, à nē wulə kv wa. <sup>8</sup> Mə kv mù yiri nē, à tun wá á con, sē υ pa á yēni, nē nē yi nət, sē υ ga zùrì á bicanə dē.

<sup>9</sup> Á tun v m̀ d̀ Onezimə, v nə yɪ nə nubiswənə, sə ba kwé duən. Onezimə d̀ yɪ liù t̀, v nə twá Zwezi-Kərisə nə d̀ pùé nəd̀. U yɪ á m̀ wa liù. Ba lià bələ təntə d̀n wá swìn yoo t̀ mama, ku nə wulə yəbə, ba bɪrɪ aba.

<sup>10</sup> Arisətarəkə, à m̀ d̀ wá nə wulə b̀n diè t̀ wa, j̀ǹǹ aba. Marəkə, v nə yɪ Barənabasə nubiu t̀, d̀ j̀ǹǹ aba. À dí yáá à swìn v yoo á con. Máná t̀, v d̀n nə twi á con, sə á ja wá zəni. <sup>11</sup> Zwezi, v yɪrɪ don nə yɪ Zwisətisə t̀, d̀ j̀ǹǹ aba. Mə ba m̀ lià batwa təntə cɪcɪ nə yɪ \*Zwifə-ba, à m̀ d̀ ba m̀ nə tɪŋa Yɪ p̀r̀t̀ tutɪŋɪ t̀. Ba z̀r̀t̀ à bɪcan zənzən. <sup>12</sup> Epaferasə, v d̀ nə yɪ á m̀ wa liù, j̀ǹǹ aba. U yɪ Zwezi-Kərisə t̀t̀ǹǹ t̀, v nə j̀ǹǹ Yɪ zənzən máná mama, v pɪn aba. U l̀r̀t̀ Yɪ, sə v pa á ya lià t̀, Yɪ ỳèn t̀ nə bɪga á yuu wa, á ga zɪga zəni á ma tɪŋa Yɪ fɪra, máná mama. <sup>13</sup> Á tətə wáá à bɪrɪ nət̀ t̀, v nə tɪŋa zənzən, v pɪn á m̀, d̀ Lawodise tián, d̀ Yerapolisə tián nə. <sup>14</sup> Nə nubiswənə dɪmɪtɪrɪ Likə d̀ Demasə d̀ j̀ǹǹ aba.

<sup>15</sup> Á j̀ǹǹá Kərisə lià t̀ mama, ba nə wulə Lawodise nə á pa nə. Á j̀ǹǹá Ninfa d̀ Kərisə lià t̀, ba nə yáá j̀r̀t̀ duən v diè wa, á pa nə. <sup>16</sup> Máná t̀, á nə k̀r̀t̀ sagɪ ku t̀, á zwèe, sə á pa ku va ku pa Lawodise Kərisə lià p̀l̀t̀ t̀ d̀ nə, sə ba d̀ k̀r̀t̀ ku. Ku kwa nə, sə á d̀ k̀v̀ lẁǹ, á jon à sagɪ t̀ don t̀ Lawodise tián con, á k̀r̀t̀. <sup>17</sup> Á swián Arəswipə con, sə v kə v yíá lá, v tun tɪtɪŋɪ t̀, Yuu-Tiu nə pɪn wá, v pa ku zwèe.

<sup>18</sup> Á m̀ Polə tətə nə p̀p̀ǹt̀ b̀wálɪ ku t̀ wa d̀

à jɪun à ma jùnì aba. Á dànà ká swèéé dɔ, ba vwa  
nɔ dɔ banzala. Yɪ nɔ wá fwa pubwanɔ á yɪra.

**Yu soywánó sagı**  
**Nuni, Southern: Yu soywánó sagı New Testament**  
**Le Nouveau Testament en Nun**

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

d18530a7-7259-5f23-92b6-70e3abe5f3fa